



Concello de Vigo

D^a. YOLANDA AGUIAR CASTRO, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 17 de setembro de 2020**, adoptou o seguinte acordo:

9.- SUBVENCIÓN A FAVOR DO CLUB MARÍTIMO DE VIGO POLO DESENVOLVEMENTO DO “TROFEO CONCELLO DE VIGO DE PIRAGÜISMO E VELA 2020”. EXPTE. 19883/333.

Visto o informe xurídico do 06/09/20 e o informe de fiscalización do 07/09/2020, dáse conta do informe-porposta de data 2/09/2020, asinado polo xefe do Servizo de Deportes, o concelleiro-delegado de Área e polo concelleiro-delegado de Orzamentos e Facenda, que di o seguinte:

Atendendo á instrución remitida polo Concelleiro de Deportes, dáse inicio á tramitación do expediente de subvención a favor do Club Marítimo de Vigo por importe de 10.000,00 € prevista na partida orzamentaria 3410.489.00.01 polo desenvolvemento de eventos deportivos.

O “Trofeo Concello de Vigo de Piragüismo e vela 2020” desenvólvese ó longo do mes de setembro de 2020.

O evento, organizado polo Club Marítimo de Vigo, entidade que ostenta os dereitos da competición, conta cunha previsión moi importante de afluencia de público e difusión en medios de comunicación, tanto nacionais como internacionais.

A entidade organizadora do evento deportivo, acreditou que ostenta os dereitos de organización do devandito evento na cidade de Vigo tal como acredita na documentación que presenta.

A actividade deportiva en Vigo no ámbito da competición deportiva ten unha transcendencia moi importante en relación á participación de entidades deportivas da cidade nas máis altas categorías das competicións a nivel do estado.

Entre os obxectivos da Concellería de Deportes atopámonos cos proxectos encamiñados ó fomento e promoción do deporte a través do apoio, difusión e axuda ás entidades deportivas da Cidade de Vigo e a consolidación dos grandes proxectos deportivos que xera a Cidade de Vigo, como medio de promoción e difusión da cultura deportiva, posibilitando un maior achegamento a todos os cidadáns e todas as cidadanas.

Os gastos derivados da organización e desenvolvemento do “Trofeo Concello de Vigo de Piragüismo e vela 2020”, segundo o orzamento presentado pola entidade Club Marítimo de Vigo, ascenden a un total de 16.500,00 euros, conforme ao programa e Presuposto de ingresos e gastos, recollidos como Anexos da documentación presentada pola entidade.



O réxime xurídico de aplicación do presente informe proposta atenderá ao previsto no artigo 22.2.c) da Lei 38/2003, de 17 de novembro, Xeral de Subvencións con relación á partida 3410.489.00.22 dispón do crédito necesario que dea cobertura á concesión dunha subvención directa por importe de 10.000,00 (Dez mil euros), para o “Trofeo Concello de Vigo de Piragüismo e vela 2020”; xa que concorren razóns de interese público e social, así como de exclusividade que non permiten a convocatoria dunha concorrencia pública, acreditado na concordancia do programa singular a executar, os fins estatutarios da entidade, a súa complementariedade coa actividade deportiva organizada polo Concello e marcada diferenza ca oferta doutras entidades, polo cal non procede promover a concorrencia para o seu outorgamento, pois é a única que ostenta os dereitos competición obxecto da subvención, tal como acredita na documentación que presenta a entidade.

Enténdese que o desenvolvemento e “Trofeo Concello de Vigo de Piragüismo e vela 2020” xera un impacto económico destacado no ámbito deportivo da cidade, coa realización de actividades deportivas do máis alto nivel deportivo, cun gran impacto global na cidade dada a súa repercusión.

A celebración do Trofeo Concello de Vigo de piragüismo e vela, converte a cidade de Vigo durante a súa celebración no centro de atención da Vela no ámbito nacional, cunha enorme repercusión, dada a participación de 160 barcos e 1250 deportistas, e asistencia de un importante volume de público, tendo en conta ademais que a vela constitúe unha modalidade cun gran arraigo na cidade de Vigo, convertendo a competición nun espectáculo deportivo de gran nivel e competitividade, facendo de Vigo, durante a súa celebración, o epicentro do piragüismo e a vela.

Por todo o referido, a celebración deste evento reforza á cidade de Vigo como referencia no deporte da vela e do piragüismo e punto de confluencia de numerosos regatistas e piragüistas. Asemade, a afluencia de visitantes supón unha oportunidade para a promoción da cidade de Vigo.

Súmase a isto, o compoñente social e o valor promocional do deporte da vela. Considérase que a organización de este evento permite reforzar o compromiso coa sociedade, permitindo coñecer ó público as posibilidades de organización destes eventos deportivos, e tendo a oportunidade de incrementar o número de afeccionados e deportistas, coa repercusión mediática nos medios de comunicación, visualizacións en streaming, enlaces webs, redes sociais, e visibilizando así o a capacidade da cidade de Vigo como destino deportivo.

Esta proposta de subvención está suxeita ao cumprimento dun determinado obxectivo de utilidade pública e interese social, que a entidade beneficiaria terá que xustificar axeitadamente.

Pola súa banda, a entidade encárgase da organización xeral do evento e asume todos os gastos derivados da mesma e que, segundo o presuposto presentado, ascenden a un total de 17.500,00 euros, supoñendo polo tanto que a subvención proposta supón un porcentaxe do 57,14 % do total do gasto previsto.

O obxectivo da colaboración entre entidades e institucións responde ó desexo de xerar proxectos comúns, que propicien actuacións prioritarias na búsqueda da potenciación de sinerxias no ámbito social, do cal destacamos:

- O interese xeral pola formación do capital humano no ámbito do deporte.
- A búsqueda dunha personalidade propia e definida da acción, en base ós principios do compromiso da sociedade cara ós valores do deporte.
- O tecido asociativo deportivo da nosa cidade é o reflexo do compromiso de centos de persoas coa mellora das condicións de vida e a defensa dos intereses xerais da



Copia do documento - Concello de Vigo	Data impresión: 15/05/2024 11:33	Páxina 2 de 9
SUBVENCIONS	CSV: A5AF49-E43D25-353HBB-GFRYH7-MXP2KA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

poboación. A mellora dos recursos para a dinamización do deporte en tódolos aspectos é unha das prioridades de actuación en materia do deporte.

A participación neste proxecto enmárcase dentro das competencias que teñen os municipios conforme establece a Lei 27/2013, de 27 de decembro, de racionalización e sustentabilidade de Administración Local, en concordancia co establecido na Lei 5/2004, do 27 de maio, de medidas urxentes derivadas da entrada en vigor da Lei 27/2013, do 27 de decembro, de racionalización e sustentabilidade da Administración Local, que determina que o *“Municipio, para a xestión dos seus intereses e do ámbito das súas competencias, pode promover actividades e prestar servizos públicos que contribúan a satisfacer as necesidades e aspiracións da comunidade veciñal..”* e que *“...exercerá en todo caso como competencia propia, a promoción do deporte e instalacións deportivas e de ocupación do tempo libre”*.

Ante estes aspectos atopamos criterios que nos levan á necesidade de estudar e propoñer un marco de relación entre ambas entidades, xa que de forma xeral o desenvolvemento destes proxectos deportivos considérase unha axuda moi importante para a promoción dos proxectos deportivos que se desenvolven na cidade de Vigo, polo cal propónse a tramitación dunha proposta de subvención a favor do Club Marítimo de Vigo para a realización do “Trofeo Concello de Vigo de Piragüismo e vela 2020”.

A lexislación aplicable, para este informe proposta, é a que sinala o artigo 5 la LXS, que se refire o réxime xurídico das subvencións, do que resulta a seguinte normativa configuradora do réxime xurídico destas subvencións: Lei 38/2003, de 17 de novembro, Xeral de Subvencións, co carácter básico e supletoria que resulta da súa disposición final primeira; a normativa autonómica sobre subvencións Lei 9/2007 do 13 de xuño, de subvencións de Galicia; o Real Decreto 887/2006, de 21 de xullo, polo que se aproba o Regulamento da Lei 38/2003, de 17 de novembro, xeral de subvencións, as Bases de execución dos vixentes orzamentos do Concello de Vigo; Lei 19/2013, de 9 de decembro, de transparencia, acceso á información pública e bo goberno; as restantes normas de dereito administrativo e, no seu defecto, as normas de dereito privado.

Así mesmo, será de aplicación o establecido na Lei 15/2014, de 16 de setembro, de Racionalización do Sector Público e outras medidas de reforma administrativa, que modifica o contido da Base de datos Nacional de Subvencións (BDNS) que se contempla no apartado 20.2 da Lei 38/2003, de 17 de novembro, Xeral de Subvencións, en aplicación dos principios recollidos na Lei 19/2013, de 9 de decembro, de transparencia, acceso á información pública e bo goberno, que establece que o contido da información en materia de subvencións e axudas públicas deber ser obxecto de publicación no portal de transparencia dos Concellos con indicación do seu importe, obxectivo ou finalidade e beneficiarios, e que regula no apartado 20.8 o contido que se debe publicar a través do sistema Nacional de Publicidade das Subvencións, e que entrou en vigor o 1 de xaneiro de 2016, e a Resolución de 10 de decembro de 2015 da Intervención Xeral da Administración do Estado, pola que se regula o proceso de rexistro e publicación de convocatorias de subvencións e axudas no Sistema Nacional de Publicidade de Subvencións, que regula o rexistro das convocatorias de subvencións e axudas públicas na Base de Datos Nacional de Subvencións, que establece que *“Naquelas subvencións ou axudas públicas nas que non sexa preceptiva a convocatoria, o órgano concedente rexistrará na BDNS os datos estruturados inmediatamente despois de que se publique a disposición reguladora se se trata de subvencións ou axudas con destinatarios indeterminados, ou no momento da concesión, no resto dos casos”*.

Esta subvención catalógase como de interese público social, polo que a súa concesión se acolle no previsto no artigo 19, 4.c da lei 9/2007 do 13 de xuño, de subvencións de Galicia, tendo en conta que as actuacións previstas teñen interese público e social, dada a súa natureza de promoción dunha actividade físico-deportiva en concreto. Asemade o Club Marítimo de Vigo é a



Copia do documento - Concello de Vigo	Data impresión: 15/05/2024 11:33	Páxina 3 de 9
SUBVENCIONS	CSV: A5AF49-E43D25-353HBB-GFRYH7-MXP2KA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

entidade que posúe os dereitos da competición, polo que a subvención se establece mediante unha adxudicación directa, non existindo concorrencia ó tratarse dunha única entidade que dinamiza a dita actividade.

A Vixencia desta proposta de subvención é polo evento deportivo do “Trofeo Concello de Vigo de Piragüismo e vela 2020”, tendo a obriga de presentar a documentación para a xustificación do mesmo ata o 15 de novembro de 2020.

Primeiro.-

I.-O obxecto da presente proposta de subvención é colaborar no desenvolvemento do evento deportivo do “Trofeo Concello de Vigo de Piragüismo e vela 2020” organizada polo Club Marítimo de Vigo, que ostenta os dereitos de organización en exclusiva do Evento deportivo, que converte á cidade de Vigo no centro de atención nacional da modalidade de vela e do piragüismo durante a súa celebración.

Na subvención concorren singulares circunstancias de interese público, xa que se trata dun proxecto de grande repercusión a nivel nacional e que conta cunha ampla promoción da actividade deportiva, tendo en conta ademais que a entidade ostenta os dereitos de exclusividade da competición na cidade de Vigo tal como acredita na documentación da solicitude.

II.-O Club Marítimo de Vigo organiza ó longo do mes de setembro de 2020, o Trofeo Concello de Vigo de Piragüismo e vela, cun valor moi importante para a promoción deportiva e turística tanto na propia cidade de Vigo como a nivel nacional e internacional, e que confire un valor único e de carácter excepcional, tendo ademais unha importante repercusión mediática e social de enorme valor.

O desenvolvemento deste Trofeo Concello de Vigo de Piragüismo e vela xera un impacto económico destacado no ámbito deportivo da cidade, coa realización de actividades deportivas do máis alto nivel deportivo, cun gran impacto en Vigo.

A celebración do Trofeo Concello de Vigo de piragüismo e vela, converte a cidade de Vigo durante a súa celebración no centro de atención da Vela no ámbito nacional, cunha enorme repercusión, dada a participación de 160 barcos e 1250 deportistas, e asistencia de un importante volume de público, tendo en conta ademais que a vela constitúe unha modalidade cun gran arraigo na cidade de Vigo, convertendo a competición nun espectáculo deportivo de gran nivel e competitividade, facendo de Vigo, durante a súa celebración, o epicentro do piragüismo e a vela.

A organización deste evento permite reforzar o compomiso coa sociedade e dar a coñecer o público as posibilidades de organización destes eventos deportivos, tendo a oportunidade de incrementar o número de afeccionados e deportistas, ca repercusión mediática, visualizacións en streaming, enlaces webs, redes sociais, e visibilizando así o excelente traballo, ademais de mostrar a Vigo como destino turístico.

III.-No exercicio das súas atribucións en materia deportiva, atribuídos a administración no artigo 25.2.I da lei LBRL, son obxectivos do Concello de Vigo:

- Colaborar cós axentes deportivos na ordenación do sistema deportivo vigués para que se produza un amplo abanico de eventos deportivos de gran nivel internacional e nacional.



Copia do documento - Concello de Vigo	Data impresión: 15/05/2024 11:33	Páxina 4 de 9
SUBVENCIONS	CSV: A5AF49-E43D25-353HBB-GFRYH7-MXP2KA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

- Contribuír a que os e as deportistas vigueses e viguesas máis xóvenes teñan pautas de referencia positivas para a consecución de logros deportivos.
- Optimizar os recursos que se destinan ó deporte de rendimento de cara a consolidar o nivel da imaxe deportiva de Vigo.
- Conseguir que os deportistas vigueses e as deportistas viguesas, conten con eventos deportivos de gran nivel internacional no seu entorno.
- A consecución dun consenso social e institucional para salvagardar o desenvolvemento de grandes eventos deportivos na cidade.

IV.- Así as cousas, o Concello de Vigo no seu vixente orzamento, na partida 3410.489.00.01, dispón do crédito necesario que dea cobertura á concesión dunha subvención por importe de 10.000,00 (Dez mil euros), para o “Trofeo Concello de Vigo de Piragüismo e vela 2020”

V.- Toda vez que, de acordo co disposto nos artigos 28.1 da Lei 38/2003, de 17 de novembro, xeral de subvencións e 26.1 da Lei 9/2007, e ca base 38º das vixentes Bases de Execución do Concello de Vigo, onde se establece que un dos procedementos para a súa concesión son as “subvencións concedidas de forma directa por razóns de interese público, social, económico ou humanitario ou outras debidamente xustificadas que dificulten a súa convocatoria pública coa tramitación dun convenio ou sen convenio”.

VI.- Que o Club Marítimo de Vigo non está incurso en prohibición para ser beneficiario das subvencións obxecto da Lei de subvencións de Galicia, áchase ao corrente das súas obrigas tributarias e fronte á Seguridade Social e non ten débedas pendentes con este Concello de Vigo, segundo resulta das declaracións responsables e certificacións que figuran no expediente núm 19883/333.

VII.- Que en base ás precedentes consideracións e ao interese social e deportivo que para a cidade de Vigo representa a devandita actividade, o Concello de Vigo e o Club Marítimo de Vigo conveñen a súa colaboración no ámbito deportivo e a concesión da referida subvención en base ás seguintes consideracións:

Primeiro.- O Concello de Vigo, comprométese a:

1º.- Conceder directamente Club Marítimo de Vigo unha subvención por importe de 10.000,00 € con cargo á partida orzamentaria 3410.489.00.01 do orzamento en vigor mediante transferencia bancaria á conta corrente facilitada pola entidade co obxecto de coadxuvar ó financiamento das actividades vinculadas co evento deportivo do “Trofeo Concello de Vigo de Piragüismo e vela 2020”. A tramitación do pago da subvención realizarase, unha vez que a entidade beneficiaria presente axeitadamente a documentación xustificativa.

Segundo.- Esta subvención será compatible con calquera outra subvención ou axuda para a mesma finalidade procedente de calquera administración ou de entes públicos ou privados, nacionais, da Unión Europea ou de organismos internacionais.

A beneficiaria deberá comunicar ao Concello de Vigo a obtención doutras subvencións, axudas ingresos ou recursos que financien a actividade subvencionada. Esta comunicación deberá efectuarse no momento en que se coñeza e, en todo caso, con anterioridade á xustificación da aplicación dada ós fondos recibidos.



Copia do documento - Concello de Vigo	Data impresión: 15/05/2024 11:33	Páxina 5 de 9
SUBVENCIONS	CSV: A5AF49-E43D25-353HBB-GFRYH7-MXP2KA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

En calquera caso, o importe total da subvención ou subvencións non poderá superar o da actividade subvencionada; caso no que se procederá na forma prevista no artigo 34 do RD 887/2006, de 21 de xuño, polo que se aprobou o Regulamento da Lei Xeral de Subvencións.

Terceiro.- Se o custe total da actividade subvencionada resultase ser menor que o contemplado para a concesión da subvención ou se reduciran na execución da actividade subvencionada as actuacións ou elementos previstos como integrantes da mesma, procederá á redución da subvención na mesma proporción.

A comunicación destas circunstancias ao Concello deberá efectuarse no momento en que se coñeza e, en todo caso, con anterioridade á xustificación da aplicación dada aos fondos recibidos.

Cuarto.- A beneficiaria non poderá subcontratar con terceiros a actividade subvencionada.

Quinto.- A beneficiaria acreditará haber dado a adecuada publicidade ó financiamento municipal da actividade subvencionada mediante a inclusión, segundo xa vai dito, da imaxe institucional da Concellería de Deportes-Concello de Vigo en calquera actividade ou evento relacionado co obxecto da subvención e demais material gráfico elaborado ao efecto.

Sexto.- A beneficiaria deberá xustificar o cumprimento da finalidade para a que se concedeu a subvención e a aplicación dos fondos recibidos. A tal efecto deberá presentar, antes do 15 de novembro, tal como establece o artigo 14.2.a) da Lei 39/2015, do 1 de outubro, de Procedemento Administrativo Común das Administracións Públicas, de xeito exclusivo a través da sede electrónica do Concello de Vigo, por calquera dos mecanismos de identificación admitidos na mesma, unha conta xustificativa na que deberá constar a declaración das actividades realizadas e dos gastos incorridos polo importe da subvención recibida; os xustificantes de pago polo importe da subvención dos gastos incorridos con facturas ou documentos de valor probatorio equivalente e o importe, procedencia e aplicación dos fondos propios e outras subvencións ou recursos que financiaran tamén a actividade subvencionada.

A documentación da conta xustificativa deberá incluír unha relación de tódolos xustificantes de pago dos gastos incorridos polo importe da subvención.

Os xustificantes acreditativos dos gastos vinculados ó proxecto do presente cumprirán as seguintes especificades:

- As facturas, serán orixinais, deberán recoller o número de CIF, a data, número de factura e o IVE. Estes xustificantes quedarán a disposición do Concello de Vigo. Non se admitirán facturas fotocopiadas ou compulsadas, nin aquelas que non reúnan as esixencias previstas no RD 1.619/2012, de 30 de novembro polo que se aproba o regulamento polo que se regulan as obrigas de facturación. Nestas facturas se computará o gasto acreditado deducindo o IVE, salvo que se xustifique a exención do dito imposto. Nos documentos xustificativos dos gastos incorridos, non será necesario que conste de forma expresa si os mesmos foron pagados con anterioridade ó proceso de xustificación determinado neste .
- Atendendo á especificade da actividade deportiva, aqueles gastos relacionados con arbitaxes, taxas oficiais das federacións deportivas, e outros conceptos análogos poderán ser



Copia do documento - Concello de Vigo	Data impresión: 15/05/2024 11:33	Páxina 6 de 9
SUBVENCIONS	CSV: A5AF49-E43D25-353HBB-GFRYH7-MXP2KA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

xustificados a través de documentos orixinais (certificados de ingreso nas federacións, documentos de gasto de arbitaxes, documentos de pago de premios deportivos, gastos de desprazamento de xogadores, técnicos, etc.) emitidos polas Federacións que recolla adecuadamente, os datos fiscais das partes, as achegas económicas, as retencións obrigatorias de ser o caso, e demais datos que xustifiquen o valor probatorio do gasto en base a eficacia administrativa do mesmo.

Sétimo.- Antes de proceder ao pago da subvención a beneficiaria deberá acreditar estar ó corrente no pagamento das súas obrigas fiscais e para coa seguridade social e non ser debedor por resolución de procedencia de reintegro, o que poderá realizar por medio dunha declaración responsable, ao abeiro ó Art.31.7.e da Lei 9/2007 de Subvencións de Galicia.

Oitavo.- Serán gastos subvencionables os que de xeito indubidable respondan á natureza da actividade subvencionada.

Cando o importe do gasto subvencionable supere as contías establecidas na Lexislación de Contratos del Sector público para o contrato menor, o beneficiario deberá solicitar como mínimo tres ofertas de diferentes provedores, agás que por as súas especiais características non exista no mercado suficientes.

Noveno.- A axeitada xustificación, a realización da actividade e o cumprimento da finalidade que determinou a concesión da subvención será comprobada polos servizos da Concellería de Deportes. O servizo de Deportes emitirá informe ao respecto facendo constar, no seu caso, todas aquelas circunstancias que poidan resultar relevantes en orden a considerar incumplida ou defectuosamente cumprida a actividade subvencionada.

Décimo.- A beneficiaria deberá facilitar toda a información que lle sexa requirida pola Concellería de Deportes e pola Intervención Xeral Municipal, Tribunal de Contas e Consello de Contas no exercicio das súas funcións de fiscalización e control do destino das subvencións.

Décimo primeiro.- Procederá o reintegro das cantidades percibidas e a esixencia de xuros de demora desde o pagamento da subvención ata a data na que se acorde a procedencia do reintegro nos casos do artigo 33 LSG.

Cando o incumprimento da actividade subvencionada se traduza nunha diminución significativa da actividade subvencionada, traducible a termos económicos en función do proxecto presentado e o seu presuposto que non implique verdadeiro incumprimento do obxectivo da subvención, procederá o reintegro da subvención na mesma proporción. En todo caso procederá o reintegro do exceso da subvención sobre o custo da actividade subvencionada.

Décimo segundo.- Canto ás infraccións e sancións en que poida incurrir a beneficiaria da subvención a que se refire este e procedemento para a súa apreciación e imposición, estarase ao disposto no Título IV da Lei 9/2007, de 13 de xuño, de subvencións de Galicia e na lei 39/2015 do procedemento administrativo común das administracións públicas

Décimo terceiro.- A vixencia do presente abarca o período comprendido entre a aprobación do expediente de subvención pola Xunta de Goberno Local e ata o 15 de novembro de 2020, co obxecto de proceder á tramitación da xustificación do mesmo.



Copia do documento - Concello de Vigo	Data impresión: 15/05/2024 11:33	Páxina 7 de 9
SUBVENCIONS	CSV: A5AF49-E43D25-353HBB-GFRYH7-MXP2KA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Décimo cuarto.- Infórmase a beneficiaria de que os seus datos e os do seu representante serán incorporados aos ficheiros municipais; de que a finalidade da súa recollida é a instrución do procedemento para a concesión da subvención obxecto do presente , a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia en orden á conclusión do proceso subvencional, polo que a súa achega é obrigatoria.

Os ditos datos serán tratados e protexidos de acordo co previsto na lei 39/2015 do procedemento administrativo común das administracións públicas e na Lei orgánica 3/2018, do 13 de decembro, de Protección de Datos Personais e garantía dos dereitos dixitais, sendo responsable do seu tratamento a Concellería de Deportes do Concello de Vigo.

A beneficiaria poderá exercer los dereitos de acceso, rectificación, cancelación e oposición ante a Concellería de Deportes do Concello de Vigo.

Que en aplicación dos principios recollidos na Lei 19/2013 de decembro, de transparencia, acceso á información pública e bo goberno, a Base de Datos Nacional de Subvencións BDNS operará como sistema nacional de publicidade das subvencións. A tales efectos, e para garantir o dereito dos cidadáns a coñecer todas as subvencións convocadas en cada momento e cara a contribuír aos principios de publicidade e transparencia, a Intervención Xeral da Administración do Estado publicará na súa paxina web as subvencións concedidas, segundo o establecido no artigo 20.4 e 20.8 da Lei 38/2003.

Décimo quinto- A concesión da subvención obxecto do presente informe proposta rexeráse pola Lei 38/2003 do 17 de novembro, xeral de subvencións e o RD 887/2006, de 21 de xuño, polo que se aprobou o seu regulamento, nos seus preceptos básicos; a lexislación básica do estado en materia de réxime local; a Lei 9/2007, de 13 de xuño, de subvencións de Galicia; os preceptos non básicos da Lei 38/2003 e do RD 887/2006; polos pactos que se conteñen neste ; as Bases de Execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

Décimo sexto- Publicarase a concesión da subvención no portal de transparencia do Concello de Vigo e comunicarase á Base de Datos Nacional de Subvencións para os efectos de dar cumprimento ao disposto nos artigos 18 da LXS e 8.1 c) da Lei 19/2013 de Transparencia, Acceso á Información Pública e Bo Goberno.

Que, de conformidade co artigo 127. g da Lei 7/1985, corresponderá á Xunta de Goberno local a aprobación da proposta e, con carácter previo, a aprobación do gasto de conformidade co previsto no artigo 31 da LG 9/2007.

Á vista do exposto, previo os informes xurídico e da Intervención de fondos, coa conformidade do Concelleiro de deportes e do concelleiro da Área de Orzamentos e Facenda, propónse a Xunta de Goberno Local a adopción dos seguintes acordos:

PRIMEIRO: Aprobar a concesión directa dunha subvención a favor do Club Marítimo de Vigo pola organización do Evento deportivo “Trofeo Concello de Vigo de Piragüismo e vela 2020” que se celebra ó longo do mes de setembro de 2020, de acordo coas condicións e compromisos que se establecen no presente informe-proposta



Copia do documento - Concello de Vigo	Data impresión: 15/05/2024 11:33	Páxina 8 de 9
SUBVENCIONS	CSV: A5AF49-E43D25-353HBB-GFRYH7-MXP2KA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



Concello de Vigo

segundo o disposto nos artigos 28,1 da lei 38/2003 de 17 de novembro, xeral de subvencións e 26,1 da lei 9/2007 de 13 de Xuño de subvencións de Galicia.

SEGUNDO: Autorizar e dispoñer o gasto de 10.000,00 € a favor do Club Marítimo de Vigo co CIF nº G-27780535 e enderezo social en Portocultura 17-Dársena Pesquera II do porto de Vigo, en Vigo e na representación da mesma, segundo resulta da documentación do expediente núm. 19883/333. Este crédito é con cargo á partida 3410.489.00.01 "subvencións a eventos deportivos" do vixente orzamento.

Acordo

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

CCA/me.

V. e Pr.

O ALCALDE,
Abel Caballero Álvarez.



Copia do documento - Concello de Vigo	Data impresión: 15/05/2024 11:33	Páxina 9 de 9
SUBVENCIONS	CSV: A5AF49-E43D25-353HBB-GFRYH7-MXP2KA-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		